

四庫全書

史部

欽定四庫全書

史部

御批歷代通鑑輯覽卷一百一

詳校官侍講_臣王燕緒

編修_臣裴謙覆勘

總校官舉人_臣章維桓

校對官編修_臣吳錫麒

臚錄監生_臣楊正邦

欽定四庫全書

御批歷代通鑑輯覽卷一百一

明

太祖皇帝

洪武二十年春正月以馮勝為征虜大將軍帥師征納克楚

元太尉納克楚擁衆數千餘萬屯金山

明史地理志遼東三

萬衛西北有金山方輿紀要山東向距衛三百五十里

考明三萬衛今為奉天府開原縣金山蓋在縣邊門外

數侵遼東帝以勝為大將軍傅友德藍玉為副帥師

金山在今開原縣西北慶州在今巴林西北東西相距約二千里納克楚方據金山以規取遼

東豈復能出兵
西畧明兵即欲
搗其巢穴自當
從東道進師乃
反向慶州傾伺
敵蹤何異燕輶
適越且元之諸
部久已離析瓜
分納克楚斷不
能仍兼有其故
地意當時或有
別部留屯慶州
而諸將未悉塞
外輿程遙加臆
度遂妄指慶州
為納克楚出沒

二十萬征之諭曰納克楚詭詐爾等且駐師通州先

遣人覘其出沒彼若在慶州

遼置後廢故城在今巴林西北

宜以輕

騎掩其不備慶州既克全師徑擣金山出彼不意必

成擒矣復遣前所獲之元將鼐喇固

舊作乃刺吾今改後仿此

還以書諭納克楚等既而勝至通州聞敵騎有屯慶

州者藍玉乘大雪帥輕騎襲破之斬平章郭勒

舊作果來

今擒其子布喇奇勝出松亭關築大寧寬河會州富

峪四城

方輿紀要自喜峯口而北一百二十里有故松亭關遼金戍守處也其相近者曰寬河城

之所至明祖既
令自通州遣人
覘視復使從慶
州徑搗金山道
里迂迴機宜亦
多不合總緣明
人于塞外地里
全屬茫然但據
傳聞彷彿以為
措置不自知其
舛謬可笑如此
耳

焚錦衣衛刑具
雖亦一時善政
且復聲明其禁
似並能慮及方

自是而東北曰會州城由會州而東曰富
峪城又東北為大寧新城俱洪武時築 駐兵大寧
焚錦衣衛刑具

時天下重罪逮至京者多收繫錦衣衛斷治適有富
民繫衛獄用事者非法凌虐帝聞之怒曰訊鞠法司
事也或令錦衣衛審之欲先得其情耳豈令其鍛鍊
邪執用事者治之悉焚其刑具以因送刑部既而復申明其
禁詔內外獄毋得上錦衣衛大小
咸經三法司 事在二十六年

夏六月馮勝至金山納克楚降

東然其未季奸
璫藉以肆虐視
前加厲流毒無
窮不能悉除其
陷阱一舉而廓
清之僅知遇其
凶焰如撲火不
滅後將蓄熾作
法于涼明但不
能護其咎矣

勝自大寧帥師趨金山遣使送鼐喇固還至松花河

即松花江
注見前

納克楚見之大驚相勞問鼐喇固述帝恩

德納克楚心動遣左丞劉特默齊

舊作劉探
馬赤今改

等來獻

馬勝受之而引兵徑踰金山降全國公和通

舊作觀
童今改

後仿進壓納克楚營而軍初納克楚分兵為三營一曰

榆林深處一曰養鵝莊一曰龍安伊圖河龍安即

金隆安府注見前伊圖河在龍安城東下流入松花

江按伊圖河舊畜牧蕃盛及是為大軍所逼又已先

入鼐喇固言意猶豫不決因遣使陽為請降以覘兵

勢勝遣藍玉往受之納克楚所遣使亦還報極言大將軍兵盛納克楚乃仰天歎曰天弗使吾有此衆矣遂率數百騎詣玉玉大喜飲以酒納克楚酌酒酬玉玉解衣衣之納克楚不肯服玉亦不飲爭讓久之納克楚取酒澆地願其下咄咄語鄭國公常茂在坐其麾下有解蒙古語者密告茂納克楚將遁矣茂直前搏之納克楚驚起欲就馬茂拔刀斫傷其臂不得騎都督耿忠擁以見勝勝重禮之使忠與同寢食納克

撫降須處置得宜使之樂業安居永消反側明祖之論誠策之善者勝乃俘衆撤兵自取潰卒之挫辱由其中情怵怯且與常茂不和欲以重其罪耳即當申軍律以誅之勝實無所辭咎何轉侯異日指場詰語耶

楚將士妻子十餘萬衆在松花河北聞納克楚傷驚

潰有欲來追者勝遣和通諭降之先後凡二十餘萬

人所獲輜重馬畜亘百餘里

勝之趨金山也臨江侯陳鏞失道戰歿及師還

都督濮英以兵三千殿後為潰卒所邀襲馬蹢被執英絕食不言乘間引佩刀刺腹死初帝聞捷即馳諭勝留兵五萬于大寧防後患散處降衆瀋陽崖頭間與遼東兵參住耕牧而勝以常茂驚潰敵衆懼不測乃盡俘其衆內徙大寧兵亦悉拔歸時納克楚潰卒散匿者尚數萬聞之設伏于途謀竄取大軍過不敢發英後至猝為所乘三千人殲焉事聞詔追封英金山侯以米帛給鏞家納克楚至京帝召見慰勞甚至封海西侯羅喇固亦授千戶賜金帛

秋七月太白三辰晝見

八月收馮勝大將軍印台還以藍玉攝軍事

勝奏常茂激變狀

茂勝女壻也其在軍以不得任偏裨將意邑邑不樂勝每誚責之茂

應之慢勝益怒未有以發也會有納克楚事故多增飾其狀

械繫至闕會有言勝

多匿良馬使閹者行酒于納克楚妻求大珠異寶王

子死二日強娶其女失降附心茂亦訐奏勝諸不法

事且言勝無以自解故委罪于茂帝怒下詔切責勝

收其大將軍印以藍玉代之尋命勝就第鳳陽奉朝

請安置茂于龍州

宋置元為萬戶府明仍為州土官趙氏世襲今改下龍上龍二司屬

廣西太

平府

九月置大寧都指揮使司

司治大寧又置大寧中左右及會州等衛皆隸焉

明年

改為北平行都司

詔商稅無定額

戶部言天下稅課視舊有虧宜以洪武十八年所收

為定額帝曰商稅多寡歲有不同限以定額豈不病

民不從

以藍玉為大將軍帥師北伐

帝以故元特古斯特穆爾尚在終為邊患乃即軍中

拜玉為大將軍延安侯唐勝宗梁人武定侯郭英興

弟副將都督耿忠孫恪興祖子為左右參將明初設無品級亦無

定員多以勲戚充之其後率師十五萬往征之是冬元將

秩在副總兵下進擊次之
托克托等
降于玉

冬十一月命湯和築瀕海城防倭

先是帝以倭患命和巡視浙江福建沿海諸城

事在十七

既而又命江夏侯周德興于福建濱海四郡

福漳泉興

化四築城練兵以備之

德興往四郡相視形勢築城十有六民戶三丁取一以充

戊卒事在是年四月

至是和已請老會倭寇上海

元縣今屬松江府帝

召和謂曰卿雖老強為朕一行和請與方鳴謙俱鳴

謙國珍從子也習海事帝訪以禦倭策鳴謙曰倭海

上來則海上禦之耳請量地遠近置衛所陸聚步兵

水具戰艦砦壘錯置其間則倭不得入入亦不得傳

岸具兵則籍近海民四丁取一以充無煩客兵也帝
以為然命和董其事和乃度地浙東西置衛所並海

築城五十有九選壯丁五萬八千餘人戍之

始和選壯丁三

萬五千人築城盡於州縣錢及籍罪人資給役役夫
往往過望而民不能無擾浙人頗苦之或謂和曰民
難矣奈何和曰成遠算者不恤近怨任大事者不顧
細謹國無備及于戈鋌井里將墟餘何有焉復有難
者齒吾劍踰年而城成海防大飭其後嘉靖間東南
苦倭患和所築城堅緻久而不圯民多賴以相保咸
歌思之請于

朝立廟祀焉

戊辰二十一年春正月詔治有司匿災者罪

青州饑有司匿不以聞詔逮治之且著為令

三月沐英討思倫發破走之

先是思倫發誘羣蠻寇馬龍他郎甸

今雲南元江府新平縣西北有

故新花州舊為馬龍他郎二甸地明并為州今裁

之摩沙勒

寨名在故新花州東南其地羣

山夾江險隘如峽

沐英遣將擊敗之至是思倫發悉舉其衆

復寇定邊

明縣屬楚雄府今併入蒙化府置巡司于此

號三十萬英選騎

三萬馳救置火礮勁弩為三行蠻驅百象被甲翼以

標鎗銳甚英分軍為三都督馮誠居前都督同知審

衆人服衆列戰
特指以爲惡嚇
庸衆之資使懦
者懼而却避鮮
有不受其蹂躪
者沐英部署將
士奮勵直前大
呼而繼以破弩
先聲足以蹙之
衆反走而賊且
奪其所恃握刀
馳突賊衆抵靡
遂以克敵可見
臨敵決機將勇
者勝乃一定之
理卽昆陽之虎

正左湯昭右英與將士約有功者賞退却者斬因乘

風大呼破弩並發衆皆反走賊殊死鬪左軍少却英

登高望之取佩刀命左右斬帥首來左帥見一人握

刀馳下恐奮呼突陳大軍乘之無不一當百蠻大敗

斬馘四萬餘生獲衆三十七賊師各被百餘矢伏衆

背死思倫發遁去

明年思倫發遣使入貢
謝罪麓川平緬遂平

夏四月藍玉襲破元特古斯特穆爾于捕魚兒海

在今克什

克騰西北
周數十里

獲其子迪保努

舊作也保奴
今改後仿此

彩霞亦由光
武威氣憑陵不
虛借助風雷也

王以大軍出大寧至慶州聞特古斯特穆爾在捕魚
兒海遂問道馳進至百眼井不見敵王欲還定遠侯
王弼曰吾等提十萬衆深入至此無所得何以復命
王曰然令軍士穴地而覓毋使見烟火乘夜馳至捕
魚兒海黎明去敵營八十餘里時大風揚沙晝晦軍
行無知者敵不設備弼為先鋒大破之斬太尉曼濟
等降其衆特古斯特穆爾以其太子添保努舊作天保奴今
改後等數十騎遁獲其次子廸保努及妃主以下百
仿此

餘人官屬三千男女七萬馬牛駝羊十五萬奏捷京

師帝大悅遣使齎勅勞王比之衛青李靖云

迪保努及妃主

至京帝命有司給第宅廩餼既有言王私元主妃事帝起玉無禮切責王妃聞而自縊迪保努由是有怨言帝聞之曰朕嘗與儒臣議欲封之以盡待亡國之禮迪保努乃若是豈可仗復居內地于是遣使送往琉球仍厚贐遣之時元四大王久匿山中其下逃散畧盡四大王窮蹙詣晉王府降帝命徙之雲南是年納克楚亦卒以其子察罕為瀋陽侯後坐藍黨死

高麗李成桂囚其王禍而立禍之子昌

禍欲寇遼東使成桂繕兵成桂遣兵屯艾州以糧不繼而

退禍怒殺成桂之子成桂還兵攻之因禍逼使遜位于
其子昌既而又以禍本辛朶子禍之子亦不可為王氏
後乃廢昌別求王氏疎屬定昌國院君瑤立之
事在二十二年

五月甲戌朔日食

六月信國公湯和歸鳳陽

帝春秋寢高不欲諸將久典兵未有以發也和以間從容
乞骸骨帝大悅賜鈔治第鳳陽並為諸公侯治第至是
第成和築城海上還率妻子陞辭帝褒諭之賜賚甚厚

秋七月以解縉

字大紳吉水人

為監察御史

縉為中書庶吉士甚見愛重一日帝在大庖西室諭

縉曰朕與爾義則君臣恩猶父子當知無不言縉即

上封事萬言

略曰臣聞今數改則民疑刑太繁則民玩國初至今將三十載無幾時不變之

法無一日無過之人臣聞陛下勤根剪蔓誅其奸逆矣未聞褒一大善賞廷于世始終勿替者也或朝賞而暮戮或忽罪而忽赦陛下每多自悔之時輒有無及之嘆是非私意使然存養之功少加密耳若夫祀天宜復歸也之規尊祖宜備七廟之制奉天不宜為筵宴之所又淵猶未備館閣之隆太常非俗樂可肆官妓非人道所為禁絕倡優易置寺閣執戟墀陛皆用俊良勿

古稱井田舊政
行于亂之後是
求治行于治之
時是求亂其說
誠不可易蓋自
阡陌既開貧富
本難一致若屬
在秋平人安其
業而必為均田
限田之策紛紜
子奪東援閭閻
其所害于民生
者滋大或富兵
變之餘汙萊遍

興土木之工勿貪四裔之地減細縣省冗官痛
懲法外威刑永革禁城工役婦女非帷簿不修
毋令逮繫大臣有過惡當誅不宜加辱逆歲臺
綱不肅以刑名輕重為能事以問因多寡為勲
勞御史糾彈皆密旨每聞上有敕宥則必過
為執持意謂如此則上恩愈重此皆小人趨媚
効勞之細術陛下何不肝膽而鏡照之哉陛下
進人不擇賢否授職不量輕重推埋賢悍之夫
閭茸下愚之輩朝捐刀鋸暮抵冠裳左棄筐篚
右館組符雖日立賢無方亦盡忱詢有德古者
善惡鄉鄰必記今互知之法雖嚴而訓告之方
未備臣欲求古人治家睦鄰之法若古蘇田呂
氏鄉約今義門鄭氏家範布之天下世臣大族
率先以勸將見作新於變至于比屋可封不難
矣臣聞地有城哀物有盈虛而商稅之微率皆
定額既稅于所產之地又稅于所過之津何奪

野服猶蕩然因
而徹田定制計
口設產一經制
而示維新庶乎
熱弊然亦須當
其時報而熱策
之非可冒昧從
事也和解諸均
田之請未嘗非
用明承亂後起
見不知明立國
已將二紀民間
耕田納賦大局
粗定豈可復事
紛更況當時雖
罹戰事亦未必

民之利如此密也且多貧下之家不免拋
荒之咎無前日之生植有前日之稅糧或膏
腴而稅反輕瘠鹵而稅反重此里胥之弊
也或拯困而革弊莫若行投田均田之法
庶常平義倉之舉積之以漸至有九年之
食無難者夫連坐起于秦法挈戡本于偽
書今為善者妻子未必蒙榮有過者里胥
以陷其罪況律以人倫為重而有給配婦
女之條聽之于不義則又何取夫節義哉
同寅協恭相倡以禮今內外百司旌楚屬
官甚于奴隸是使柔懦之徒蕩無庶恥其
非所以勵風節也臣但知罄竭愚衷急于
陳獻所奏畧無次
序惟陛下垂鑒
書奏帝稱其才尋改為

御史

給未授御史時嘗入兵部堂索皂隸語
援尚書沈潛以聞帝曰給以沈默自志

此戶既離寄致
失其恒產若徒
向富厚者強取
以與人其未受
均田之益而然
皆先起矣天下
甫平民氣未定
不思撫循寧輯
而反重拂其心
又將何以維持
邦本乎錯不察
時宜空設經濟
仍不免書生迂
濶之見耳

送命為御史既而錯復代郎中王國用草疏為李善
長申雪又嘗為同官夏長文草疏勅都御史袁泰于
是大臣皆惡之會有詔近臣父皆得入覲錯父聞至
帝召謂曰大器晚成若以而子歸益令進學後十年
來用未晚
也遂罷歸

九月勅天下衛所屯田

歲得糧五百餘萬石

越州

本苦麻蠻部元時內屬因置越州明改衛今裁故
城在曲靖府南寧縣苦麻元史作普麼今依明

史土蠻叛命沐英傳友德討之
司傳

越州土酋阿資故知州龍海子也沐英南征時駐兵

其地諭降龍海奏以為知州未幾即叛英以計擒之

徙遼東阿資襲父職益桀驁至是反帝命英友德會

兵討之

友德道過平曩以其山險峻留兵千人守之進擊阿資于普安大破之蠻衆攀崖緣壁墜

死者不可勝數阿資逃還越州初阿資之叛也揚言

曰國家有萬軍之勇我地有萬山之險豈能盡滅我

輩英乃請置越州馬龍二衛距其險要又分兵勦捕

阿資窮蹙遂請降平曩明衛今改縣屬曲靖府馬

龍明初為衛後改州

今州亦屬曲靖府

以卓敬

字惟恭瑞安人

為戶科給事中

敬鯁直無所避時制度未備諸王服乘擬天子敬乘

定服飾以辨等
威固為正論然

不過審慎攝微
所繫猶小而當
日衆建諸王封
地太廣實乖強
幹弱支之道漢
昭世世燕藩暴
逆禍基卓敬既
有所見何不舉
其大者剗切力
陳而撫未務以
建白可謂昧于
輕重或以明祖
未從其言為惜
即採而行之亦
安能弭患于未
形乎

間言京師天下視效陛下于諸王不早辨等威而使

服飾與太子埒嫡庶相亂尊卑無序何以今天下帝

笑曰爾言是朕未慮及此益器重之

他日敬與同官進見適八十一

人帝命改官為元士尋以六科為政事本源又改曰源士已復稱給事中

冬十月元伊遜岱爾

舊作也速迭兒今改

弑其主特古斯特穆爾

特古斯特穆爾既遁將依丞相耀珠

舊作咬住今改

于和林

行至圖拉河為其下伊遜岱爾所襲衆遂散獨與十

六騎俱耀珠來迎欲共往依庫庫特穆爾

舊作濶濶帖木兒與

前卷係
兩人

會大雪不得發伊遜岱爾兵猝至遂遇害并

殺添保努

自是不復紀年五傳至焜特穆爾被弑有
郭勒齊者篡立稱汗去國號遂稱韃靼云

按焜特穆爾舊作坤帖木兒
郭勒齊舊作鬼力赤今並改

十二月安南黎季犛廢其王煒尋弑之

陳叔明立三歲傳其弟端端死弟煒代立其相黎季

犛竊柄廢煒殺之立叔明子曰焜主國事

己巳

二十二年春正月改大宗正院

洪武初設

為宗人府

府設令一人左右宗正宗人各一人並以親王領之

其後以勲戚大臣
攝府事不備官

二月禁武臣預民事

湖廣千方夏得忠作亂靖寧侯葉昇合肥人討之得忠伏誅

得忠誘九溪

即九渡溪在湖南澧州慈利縣西南水經注九渡水南出九渡山山下有溪亦

以九渡為名

洞蠻為寇昇同胡海等討之潛兵出賊後掩

擊擒得忠斬之置九溪永定二衛

九溪故衛在澧州安福縣北永定故

衛在安福縣西今俱廢

夏五月置泰寧朶顏福餘三衛

三衛之地本烏梁海

舊作兀良哈按元史蘇布特傳稱爲兀良哈氏即現今喀喇沁

旗之以烏梁海爲姓氏是也

今畫一改正後文俱仿此所居在元時爲大寧路

迤北境洪武初元遼王惠寧王朶顏元帥府內附已

數爲韃靼所抄乃即其地置三衛曰泰寧

今土默特阿魯科爾

沁等部爲泰寧衛故地

曰朶顏

今喀喇沁教漢奈曼翁牛特巴林等部及熱河五廳爲朶顏衛

故地曰福餘 今科爾沁郭爾羅斯杜爾伯特札賚特等部爲福餘衛故地

俾部長各

領其衆互爲聲援獨朶顏地險而強

秋九月丙寅朔日食

冬十二月遷周王櫛于雲南尋止之

櫛擅棄其國來居鳳陽帝怒命遷之雲南尋止勿徙

使居京師

至二十五年復勅歸藩

庚午二十三年春正月命晉王裒燕王棣帥師北伐

命傅友德等以北平兵從燕王王弼等以山西兵從晉王征耀珠及罷爾布哈

二月河決歸德

決歸德東南鳳池口徑夏邑永城諸縣發十三衛士

卒與歸德民并力築之及秋又決開封

三月燕王棣至迤都

山名舊作迤都今改

元太尉鼐爾布哈等降

棣出古北口偵知鼐爾布哈營迤都冒大雪馳進去敵一磧先遣指揮和通往和通故善鼐爾布哈至則相持泣頃之大軍壓其營鼐爾布哈及耀珠等驚欲遁和通止之引見棣賜酒食慰諭遣還鼐爾布哈喜過望遂偕耀珠等來降既而命元降軍赴北平聽燕王調用棣兵自此益強

夏四月潁王梓自焚死

梓英敏好學嘗會府僚設醴賦詩品其高下而賚予

之妃於氏都督顯女也顯與子琥坐胡惟庸黨誅梓

不自安帝遣使召之大懼與其妃自焚死

梓無子國除先是魯

王楨薨楨善詩歌好餌金石藥毒發而死帝命禮臣議喪禮曰父子天性謚法公議朕不得以私恩廢公

議特謚

曰荒

閏月詔期服不得奔喪

初百官聞祖父母伯叔兄弟喪俱奔赴吏部言一人

或連遭五六期服或道路數千則居官日少更易繁
數曠官廢事莫此為甚請自今年年服不許奔喪從
之

五月以楊靖

字仲寧
山陽人

為刑部尚書

時詔在京官三年皆遷調著為令靖以戶部尚書改
刑部帝諭曰愚民犯法如啗飲食嗜之不知止設法
防之犯益衆惟推恕行仁或能感化靖承旨治獄明
察而不事深文在部多所平反帝嘉納之靖嘗鞠一
武弁門卒

檢其身得大珠僚屬驚異靖徐曰偽也安有珠大如此者立碎之帝聞歎曰靖此舉有四善焉不獻朕以求容悅一也不究其所投獻息大獄二也不獎門卒杜小人僥倖三也千金之珠猝然至前斥以為偽而碎之有過人之智應變之才四也

賜韓國公李善長死

李善長股肱臣也知胡惟庸反謀隱而不舉即非甘心附和亦與躬蹈反逆同科明祖既以按治得實當明具獄詞以彰顯戮

先是善長弟存義安置崇明善長不謝帝銜之至是善長年七十七毫不檢下嘗欲營第從信國公湯和假衛卒三百人和以聞四月京民有坐罪應徙邊者善長數請免其私親丁斌等帝怒按斌斌故給事胡

庶法紀昭而人知警乃當御史連章劾奏並未明正典刑時聞事陳顧因占驗賜死以應星變使一時罪狀不著無識者轉得藉口至陸仲亨費聚實與逆謀當時亦釋而不問稽誅十載始正刑章而簿錄多人悉坐奸黨又豈能無株連太過之失乎

惟庸家因言存義等往時交通惟庸狀命逮存義鞠之詞連善長于是御史交章劾善長坐以大逆會星變言者謂其占當移大臣遂賜善長死并殺其家屬七十餘人子祺尚臨安公主免死徙江浦吉安侯陸仲亨延安侯唐勝宗平涼侯費聚南雄侯趙庸河南侯陸聚宜春侯黃彬豫章侯胡美滎陽侯鄭遇春等皆同時坐惟庸黨死帝條列其罪作姦黨錄布告天下

既而虞部郎中王國用上言善長與陛下同心出萬死以取天下勲臣第一生封公死封王男尚公

主親戚拜官人臣之分極矣藉令欲自圖不軌尚未可知而今謂其欲佐胡惟庸使善長佐惟庸事成不過勲臣第一而已寧復有加于今日且善長豈不知天下之不可倖取當元之季欲為此者何限莫不身為齏粉覆宗絕祀善長胡乃以衰倦之年身蹈之也凡為此者必有深讎急變大不得已或至相挾以求脫禍今善長子祺托陛下骨肉親無纖介嫌何苦而忽為此若謂天象告變大臣當災殺之以應天象則尤不可臣恐天下聞之謂功臣且如此四方因之解體也臣亦知善長已死言之無益願陛下作戒將來耳帝覽之亦不罪也

秋七月崇明海門

注俱見前

海溢

詔遣官賑之發民二十五萬築堤

八月詔母以吏卒充選舉

九月庚寅朔日食

冬十二月罷天下歲織文綺

辛未二十四年春三月戊子朔日食

夏四月河決原武

河水暴溢決原武黑洋山在縣北與陽武接界東經開封城北

又東南由陳州項城隋縣今屬陳州府太和宋泰和縣明改泰為太今縣屬

潁州府潁州潁上東至壽州正陽鎮在州西與潁上縣之西正陽夾淮相

對亦名東正陽全入于淮而賈魯河故道遂淤又由曹州鄆

城漫東平之安山注見前元會通河故道亦淤明年復決陽武

汜陳州中牟等十一州縣詔發民丁及十七衛軍士修築河堤會其冬大寒役遂罷

封子十人為王

桡帝第十六子余妃出為慶王封寧夏權帝第十七子楊妃出寧王封大寧梩

帝第十八子周妃出岷王封岷州尋徙雲南穗帝第十九子郭惠妃出谷王封宣府

松帝第二十子周妃出韓王封開原模帝第二十一子趙妃出藩王封潞州楹

帝第二十二子安王封平涼桎帝第二十三子李賢妃出唐王封南陽棟帝第二十四子

四子劉封安郢王帝第二十五伊王封洛陽
惠妃出陸子葛麗妃出

秋八月命皇太子巡撫陝西

帝念天下形勢在西北欲徙都關中先遣太子相宅

故有是命

秦王襍聞帝欲徙都有怨言帝怒召至京錮之及太子還始令歸藩

冬十月以馮堅為僉都御史

堅南豐縣典史上書言九事一曰養聖躬清心省事
以為民社之福二曰擇老成輔導諸王使正色直言
以圖匡救三曰務農講武屯戍邊圉以備不虞四曰

欽定四庫全書

精選有司旌別屬吏使人勇于自治五曰褒祀典俾
末俗有所興勸六曰省官寺以防內權七曰調易邊
將以防外患八曰採廉能以懲貪墨九曰會關防以
革奸弊書奏帝嘉之稱其知時務達事變又謂侍臣
曰堅言調易邊將則未然邊將數易則兵力勇怯敵
情出沒山川形勢無以備知倘得趙充國班超者又
何以數易為哉乃擢堅僉都御史

堅在院頗持大
體尋卒于官

十一月皇太子還京師

神器常擇賢而
畀燕王素稱才
武知子莫若父
明祖自常內斷
于心彼時即定
計建儲不但付
託得人並可弭
他日骨肉之釁
況父子世及本
三代以下之常
經又深知長君
為社稷之福復
有何疑豫而向
廷臣婉轉曲詢
此蓋由明祖泥
古好名致三吾

太子還上陝西地圖遂病病中猶上言經畧建都事

壬申

二十五年夏四月皇太子標卒

謚懿文

帝御東角門召羣臣曰太子不幸至此古云國有長

君社稷之福朕意欲立燕王何如學士劉三吾

名如孫以

字行茶陵人

進曰皇孫年富世嫡之子子歿孫承嫡統禮

也即立燕王置秦晉二王于何地帝大哭而罷然以

三吾言立孫之意遂決

太子初師事宋濂通經史大義帝命裁決庶務寬仁明敏

于刑獄多所減省天性友愛秦周諸王數有過輒調
獲之使歸國或告晉王有異謀者太子陝西還偕之

頓生異議遂爾
決意立孫一錯

至京為涕泣以請帝乃
感悟王亦更以恭慎聞

而不可復救且
孫承嫡統其說

建昌衛

今四川寧遠府
明為建昌衛

指揮使伊魯特穆爾叛命藍玉

不見禮經三吾
所稱不知何所

討誅之

依據若太孫之
名起于晉惠其

伊魯特穆爾合德昌

元路明為千戶所今曰
西昌縣為寧遠府治

會川

後亦不克令終
雖太甲嗣湯之

明改衛今為會
理州屬寧遠府

等諸番攻建昌轉攻蘇州

元置明改
衛今為冕

事載于尚書亦
以外丙仲壬之末

寧縣屬
寧遠府

玉遣四川指揮瞿能

合肥人

討之至雙狼寨

一作

堪繼嗣故為變
局不可以此例

雙浪寨在武昌
縣水砦關西北

擒其將賊衆大潰伊魯特穆爾遁去

燕王建文也又
如齊武帝之立

能督兵追捕進至達崇河又敗之伊魯特穆爾乃走

鬱林遼道宗之
立天祥亦皆弗
負荷浸至淪胥
前車可鑑蓋三
吾不過樂太孫
寬厚乃敢僞托
禮文以陰撓大
計實罪不容誅
而明祖不知慎
始慮終輕于授
受禍患自貽實
當斷不斷階之
厲耳

柏興州

州當作府今寧遠府鹽源縣元為柏興府明初因之後改鹽井衛

玉遣百戶

毛海誘縛其父子送京師誅之盡降其衆

六月西平侯沐英卒

謚昭靖

英先後雲南十年威惠並著嘗入朝帝勞之曰使我

高枕無南顧憂者汝英也及是卒軍民巷哭遠夷皆

為流涕追封黔寧王

英沈毅寡言笑好賢禮士撫卒伍有恩未嘗妄殺在滇百務具

舉簡守令課農桑墾屯田百餘萬畝滇池隘子春

字景

春

晟

字景昂

相繼鎮守

秋七月高麗李成桂逐其君瑤而自立

成桂在國威權日盛瑤雖為所立慮禍必將及已與

近臣圖之事泄成桂遂逐瑤而自立

王氏自五代時得國傳數百年

至是遂絕

尋以國人表請命帝以高麗僻在海隅非中國

所治詔聽之既而成桂又請更國號帝命仍古號曰

朝鮮

改詹事院為府

先是東宮官設詹事院多以大臣領之不置僚屬至

是改院為府設詹事

秩正三品

及少詹事

正四品

等官

左右春坊

各設大學士庶子及諭德中允贊善司經局設洗馬其外又有司直司諫清紀隨時設之不常置

竄寄嵐州學正吳從權山陰縣教諭張恒于遠方

從權恒給由至京

明史百官志凡內外官給由吏部考功司掌之三年初考六年再考

並引請九年通考奏請綜其稱職不稱職而黜陟之

帝召問民間疾苦從權恒

皆言職在課士民事無所知帝曰宋胡瑗教授蘇湖

設經義治事二齋兵農水利無不兼之當時得人稱

盛爾二人既不通世務罔識民情則平日所教何事

生徒中縱有人材亦為爾輩所壞矣遂命竄之遠方
且榜示天下學校以為鑒戒

八月給公侯歲祿

初帝賜勲臣公侯丞相以下莊田多者百頃又賜諸
武臣公田以其租入充祿勲臣莊佃多倚威干禁帝
每名諸臣戒諭之至是給歲祿歸賜田于官

九月立孫允炆為皇太孫

允炆太子第二子也

繼妃呂氏出

既立為太孫帝命裁決

傳稱寬則得眾
書云寬而有制

二者不可偏廢
必有制然後可
行其寬如建文
寬則寬矣安能
有制哉及至削
諸藩似乎有制
矣而以冒昧行
之仍屬無制則
知其寬亦不過
柔懦無能之寬
而非有制之寬
也紀事者于建
文多過譽然亦
豈能救其失國
之咎哉

庶務寬厚亦如太子緣其意而有加焉中外莫不頌

德帝嘗大怒有所誅譴退朝怒未已太孫從容進曰
如得其情哀矜勿喜是或一道也帝意解還者獲

盜七太孫目之言于帝曰六人者盜其一非是訊之
果然帝問何以知之對曰周禮聽獄色聽為先此人
眸子瞭然顧視端詳必非盜
也帝喜曰治獄貴通經信然

詔求精曉歷數之士

其數往知來試無不驗者爵封侯

山東國子生周敬心上言臣聞國祚

修短在德厚薄不在歷數陛下但當修德皇祚自傳
萬世何必問諸小技之人又言陛下連年北征臣民
皆以為欲得傳國寶臣聞傳國寶出自楚平王秦始
皇名之曰璽易曰聖人之大寶曰位何以守位曰仁

是知仁乃人君之寶玉璽非寶也昔者三代聖王不知有璽天下治安享國長久秦始制璽不旋踵而亡陛下奈何忽大璽而求小璽也又言方今戶口雖多而勞民者衆倉廩雖實而民窮者多教化博而民不悅法度嚴而民不從昔汲黯言于漢武帝曰陛下內多欲而外施仁義奈何欲效唐虞之治乎今國則願富兵則願強土地則願廣人民則願衆于是多取軍卒廣積稅糧征伐不休營造無極如之何其可治也又言洪武十二年欽錄天下官吏十三年連坐胡黨十九年逮官吏積年為民害者二十三年大戮京民妄立罪名不分臧否豈無善良偶入註誤之中者昔漢時誤殺一孝婦東海枯旱三年方今四方水旱未驟大稔未必不由殺戮無辜感傷和氣之所致也疏入帝頗採納其言

以方孝孺

字希直一字希古
寧海人克勤之子
為漢中教授

紀此者蓋謂明祖有先見耳若果有先見一立棟而諸禍自消何必留一迂儒令輔庸孫而成靖難誅夷之慘是大不然矣

小過本不至逮繫但既以屬吏則罪宥宜出朝廷若固部民伏關乞留遽為縱

孝孺少好學恒以明王道致太平為己任十五年以沈薦召見帝喜其舉止端正謂太子曰此莊士當老其才禮遣還至是又以薦召至帝曰今非用孝孺時除漢中教授蜀王椿聞其賢聘為世子師名其讀書之廬曰正學

冬十二月徵安陸知州余彥誠

德興人

下吏尋釋之

彥誠以徵稅愆期逮州民楊么等伏闕乞留帝賜宴遣還么等亦預宴時帝操重典繩羣下守令坐小過

這是黜陟之柄
編氓轉得而操
之成何政體明
祖于此且加以
賞賚超擢不啻
導之作奸倘猾
吏刁民窺見意
指交通惑聽流
弊伊于胡底國
法吏治不因之
俱壞乎

輒逮繫其部民走闕下乞留旋遣還且加賞賚有因
以超擢者

癸酉 二十六年春二月涼國公藍玉以罪誅

玉有勇畧數總大軍多立功帝遇之厚寢驕蹇自恣
多畜莊奴假子乘勢漁獵嘗占東昌民田御史按問
玉捶逐御史北征還夜叩喜峯關關吏不即納玉縱
兵毀關入帝聞之不樂又以私元主妃事事見前鐫其
過于券玉猶不悛及西征歸皇太孫立以玉兼太子

太傅而馮勝傅友德俱兼太子太師王攘袂大言曰

我固不當為太師邪比奏事多不聽益怏怏語所親

曰上疑我矣至是錦衣衛指揮蔣瓚告王謀反廷鞫

之獄詞云王與鶴慶侯張翼

臨淮人

普定侯陳桓

潯人

景川侯曹震舳艫侯朱壽東莞伯何榮

真之子

及吏部

尚書詹徽

字資善同之子

戶部侍郎傅友文等謀為變將伺

帝出藉田舉事獄具族誅之列侯以下當黨夷滅者

萬五千人于是元功宿將相繼盡矣

王常遇春妻弟懿文太子元妃

太子在東宮即
有以有藩王不

臣之心為言者
觀此則可知建
儲建藩之可行
不可行矣然燕
王在洪武時未
嘗有不臣之迹
即或陰懷大志
其事必甚秘亦
宜蓋玉所能窺
測其毒害太子
之言惟見于永
樂實錄或出當
日史官附會者
則玉謀為是言
以煽亂亦未可
知總之明祖若

常氏遇春女也以過太子遇玉厚玉初征納克楚選
言于太子曰臣觀燕王在國陰有不臣心又聞望氣
者言燕有天子氣殿下宜審之太子曰燕王事我甚
恭謹玉曰殿下遇臣厚故敢怖惓惓燕王聞而銜之
及太子薨燕王來朝帝問曰民間近謂朕若何對曰
諸公侯縱恣無度不誅得有尾大不掉憂帝由此愈
疑忌功臣王歸不
數月而玉禍作

三月命晉王柁燕王棣節制山西北平軍事

詔二王軍中事大者方以聞宋國公馮勝潁國公傅

友德並受節制

夏四月詔有司賑饑毋俟報

無建儲建藩之
事繁論何由而
起哉

早詔羣臣言事理獄囚

秋七月甲辰朔日食

九月以鄭濟

浦江人宋鄭
綺七世孫

為左庶子王懃

浦江人
澄之孫為右

庶子

初東宮官屬缺命廷臣舉孝義篤行之士尚書嚴震

直

字子敏
烏程人

以浦江鄭氏對

義門鄭
氏見前

帝曰朕素知鄭更

聞其里王氏力行鄭氏家法

初浦江王澄築義門鄭
氏家法命其子敬之澄

卒子三人能承父
志同居無間言

可用以勵天下乃徵兩家子弟詣

闕濟勲遂並拜官

鄭氏自其七世祖綺至濟兄弟累世同居茂三百年胡惟庸之獄有

告鄭氏交通者潛兄濂浞爭入獄帝聞特召見立擢
浞福建參議命舉所知浞舉王澄孫應以對亦授參
議應勲從兄也及是濟勲又並授東宮
官天下榮之王氏之名遂與鄭氏埒云

十二月戶部奏是歲天下戶口之數

戶一千六百五萬二千八百六十口六千五十四萬

五千八百十二

甲戌二十七年春正月癸天下預備倉穀貸貧民

三月命工部裁兵甲

帝以四方底定命工部收兵甲裹而藏之示弗復用
秋八月遣使修天下水利

帝諭工部湖堰陂塘可蓄洩以備旱澇者皆因地勢
修治之乃分遣國子生遍詣天下督修水利凡開塘
堰四萬九百八十七處

九月命禮部議旌表例

日照縣

金置今縣屬山東沂州府

民江伯兒母病割脇肉以療不

愈禱岱嶽祠誓以母病愈當殺子祀神已而母病果

愈竟殺其三歲子山東守臣以聞帝怒曰父子天性
小民無知滅倫害理亟宜治罪遂逮伯兒杖之百遣
戍海南因下禮官議旌表例議曰卧冰割股前古未
聞皆由愚昧之徒務為詭異希求旌表割股不已至
于割肝割肝不已至于殺子違道傷生莫此為甚自
今卧冰割股聽人子所為不在旌表之例制曰可
冬十一月賜潁國公傅友德死

友德身冒百死自偏裨至大將每戰必先士卒以故

所至立功二十五年友德請懷遠田千畝帝不悅曰

祿賜不薄矣復侵民利何居爾不聞公儀休事邪及

是竟賜死未幾定遠侯王弼亦賜死

友德與蘇玉先後同親兵俱有

功及王諒友德內懼王弼曰上春秋高旦夕且盡我輩奈何帝聞之故友德與弼皆死

乙亥二十八年春正月越州蠻復叛西平侯沐春討平之

阿資屢降屢叛春與都督何福

鳳陽人

率師營越州城

北伏精兵道左以羸卒誘賊賊悉衆出伏起大敗之

阿資亡出谷中春調知所在樹壘斷其糧道已出不

意持其巢遂擒阿資斬之得其黨越州平

二月賜宋國公馮勝死

勝自金山歸不復將大兵數以細故失帝意藍玉誅

之月與傅友德山西召還至是亦賜死

勝嘗築稍場壘號其下以

碌礪礪之取有種格聲走馬其旁以為樂邑有樊父者勝兄國用妻家也有所于索于勝勝不予樊父遂告勝家居不法場下慮瘞兵器帝召勝賜之酒曰朕不問也勝至夕果卒

秋八月命都督楊文等討龍州

龍州土司也洪武初其酋趙貼堅歸附詔以為知州

許世襲貼堅死無子從子宗壽當嗣會常茂以罪戍
州貼堅妻黃以愛女予茂為小妻擅州事無何茂病
死黃與宗壽相告訐帝以遠人釋不問宗壽卒得嗣
已而或構蜚語言茂匿龍州實不死宗壽知狀帝怒
命宗壽捕茂并諭都督府檄宗壽詣闕宗壽懼遷延

不敢出廣西守臣奏宗壽抗命且言奉議諸蠻

奉議州宋

置明改衛今仍為州屬廣西鎮安府

皆梗化乃以文為征南將軍指揮

使韓觀

字彥賓虹人

都督僉事宗晟

字景陽定遠人

為副發江西

湖廣諸衛兵討之復命致仕尚書唐鐸往諭宗壽文等師未至鐸還奏茂實前死宗壽亦伏罪請朝乃罷征龍州令文等移師討奉議諸蠻平之

信國公湯和卒

謚襄武

信慎不泄所由以功名終和之律已實高出當時諸將上亦猶唐之李郭同建勲績而子儀獨全令名也明祖晚年于諸功臣多存疑忌然如胡藍之獄乃法

和晚年益為恭慎入聞國論一語不敢外泄當時公侯諸宿將先後麗法稀得免者和獨享壽考以功名終卒年七十追封東甌王

九月頒皇明祖訓

所必誅餘雖各有取禍之道往往株連不已罪狀人多未明烏盡弓藏較之漢高尤為過甚也

初帝命儒臣編祖訓錄其目十有三

曰箴戒持守嚴祭祀謹出入慎

國政禮儀法律內令內官職制兵衛營繕供用

既成帝自為之序

事在洪武六年至

是更定名曰皇明祖訓頒示內外諸司且諭曰後世有敢言更制者以姦臣論毋赦

丙子

二十九年春二月命燕王棣帥師巡邊

先是寧王權言近者騎兵巡塞得北寇蹤跡恐有邊

警帝乃命燕王棣揀精騎巡大寧全寧沿河南北覘

敵所在掩擊之既而棣至察察爾山

舊作徹徹兒山今改遇敵

大敗之擒其將布琳特穆爾

舊作字林帖木兒

又追敗哈拉

固

舊作哈刺兀今並改後仿此

于烏梁海城而還

秋九月大賚致仕武臣

凡二千五百人悉召入朝大賚之復命各晉秩一級

丁丑三十年春二月白虹亘天貫日

夏五月壬子朔日食

命楚王楨湘王柏帥師討古州叛蠻

先是古州蠻林寬作亂陷龍里

元塞置長官司今守司屬貴州黎平府

將吳得井孚戰死

事聞詔皆恤贈

帝以齊讓為平羌將軍討

之既而寬犯新化

明初置府後廢今為長官司屬黎平府

攻平茶

明并禦所

今廢故城在黎平府東

勢益熾乃命楚王楨帥師湘王柏副之

由黔陽

注見前

辰溪

隋縣今屬湖南辰州府

進勅二王不臨軍而

請餉三十萬帝屢詰責之以讓逗遛不進命都督楊

文充總兵官往代文未至讓俘寬以獻帝卒誅讓命

文討寬餘黨悉平之

時貴州水西土司簡居宗必登等亦叛帝命顧成會何福等討之

成擊斬數千人必登遠遁成以計擒其黨魁並誅之水西平

水西注見前

六月策試禮部下第舉人

是春會試北士多黜落既廷試諸生上言考官劉三
吾白信蹈皆南人私其鄉帝怒命侍讀張信等覆閱
下第卷得六十一人以進不稱旨或又言三吾信蹈
囑信等故以陋卷呈帝益怒親試策問擢武城人韓
克忠為第一餘皆北士信蹈及信等論死三吾以老
戍邊

先是會試榜發秦和宋琮為第一琮善易學既
登第官檢討悵然語人曰翰苑當有厄吾其竄

乎既而考官禍
作琮亦遠戍

秋八月沔縣吏高福興作亂命征西將軍耿炳文討誅之
福興及縣民田九成等謀為亂赦諭王樸知之言于
衛衛發兵捕之次陽平關賊大集逆戰官軍敗賊遂
入略陽殺知縣呂昌楚徽州殺學正顏叙彬陝蜀番
民皆響應炳文時練兵陝西帝命移軍討之炳文駐
文縣遣將分道追勦未幾福興就擒并獲其黨悉誅
之

九月平緬蠻刀幹孟逐其宣慰使思倫發詔沐春討之

平緬部長刀幹孟叛

平緬俗不好佛會有僧自雲南至思倫發尊信之又有金齒戍

卒逃入其境思倫發喜其技能俾繫金帶與僧俱位諸部長上刀幹孟怒故叛攻騰衝思倫

發走雲南沐春送至京師帝憫之命春與何福等討

幹孟遣思倫發還諭春先以兵送之金齒檄幹孟來

迎不應乃遣何福等將兵五千踰高良公山

亦曰高黎共山

又名崑崙岡在永昌府騰越州東蒙氏時階封西獄直擣南甸

元路明置府又改州今為宣撫

司屬永昌府大破之斬其酋刀名孟回軍繫景罕寨

在永昌府

路江安撫司西南賊遷高堅守官兵糧且盡福告急春帥五

百騎救之乘夜渡潞江

亦曰怒江以波濤洶湧故名源出吐蕃西南流經麗江永

昌諸府界下流至緬甸入南海蒙氏僭封四瀆之一

連破二寨幹孟乞降帝不

許

既而春卒幹孟竟不降何福帥兵討之擒斬幹孟思倫發始歸平緬事在明年

戊寅三十一年夏五月帝不豫

臨朝決事如平時

命都督楊文從燕王棣武定侯郭英從遼王植備邊開

平俱聽燕王節制

考明太祖實錄是年五月命燕王棣遼王植備邊開平成祖實錄則云是

年五月太祖不豫遣中官召王已至淮敕令歸藩二書一言令王北行一言召王南來俱在是年五月矛盾

殊甚茲成祖實錄所載皆舉兵後之飾辭其後史官遂
筆而書之不足為據今依太祖實錄特書此條以証成
祖實錄之
妄皆類此

閏月帝崩

遺詔皇太孫允炆仁明孝友天下歸心宜登大位諸

王臨國中母至京師

太孫允炆即位

以明年為建文元年

詔行三年喪

羣臣請以日易月帝曰朕非效古人亮陰不言也朝則麻冕裳退則齊衰杖經食則饘粥郊社宗廟如常禮遂命定儀以進

葬孝陵

在江寧府上元縣東北朝陽門外當鍾山之陽今設陵戶守衛禁樵牧

七日而葬遵遺詔也謚曰高皇帝廟號太祖

時諸王尚未聞

喪遂援遺詔

止毋會葬

明史贊曰太祖崛起布衣奄奠海宇西漢以後所未有也懲元政廢弛治尚嚴峻而能禮致耆儒考禮定樂昭揭經義尊崇正學修人紀重風教五府六部官職相維置衛屯田兵食俱足武定禍亂文致太平太

祖實身
兼之

詔文臣五品以上及州縣正官各舉所知

非其人者坐之

六月省州縣汰冗費

戶部侍郎卓敬請徙封燕王棣于南昌不聽

敬密疏言燕王知慮絕人酷類先帝北平形勝地士

馬精強金元所由興也宜徙封南昌萬一有變亦易

控制疏入翌日帝召謂敬曰燕王朕骨肉至親卿何

世人多以卓敬
徙封之疏比之
曲突徙薪而以
建文不從為惜
然不久而有顧
黃子澄東角門
之語殊自相矛
盾然敬此論若

在洪武朝與請正名分之議並陳明祖或能採而行之未嘗不可預防後患至建文既立燕藩久蓄異謀誠使敬說果行亦不過速之反耳夫以燕王智慮過人非能束手受制者觀後此寧王權奉召不至即能不動聲色襲而執之徙封內地則敬之所

得及此敬叩頭曰臣所言天下大計願陛下察之帝

曰卿休矣事遂寢

召方孝孺為翰林院侍講

帝在東宮時素聞孝孺賢及即位自漢中馳驛召還

日侍左右備顧問讀書有疑即使講解臨朝奏事臣

僚面議可否或命孝孺就宸前批答之

以齊泰

溧水人初名德太祖賜名泰

為兵部尚書黃子澄

名湜以字行分宜人

為太常寺卿參預國事

為深謀秘計固不能出燕王算料之中矧當身處危疑顧肯俯首聽人牽掣乎太孫初立正龍潛養德之時況明祖尚猶在御即諸王擁兵于外有何屬尊地適可疑而輒向官僚商善全良策實非儲貳所宜言子澄承問自當對以正

泰習邊事初為兵部侍郎太祖嘗問邊將姓名泰歷數無遺又問諸圖籍出袖中手冊以進簡要詳密大奇之子澄先以翰林院修撰充東宮伴讀時帝方立為太孫一日坐東角門謂曰諸王尊屬擁重兵奈何對曰諸王護衛兵僅足自守倘有變臨以六師其誰能支漢七國非不强卒底滅亡順逆之理異也至是遂命泰與子澄同參國政時燕周齊湘代岷諸王相煽動流言聞于朝帝謂子澄曰先生憶昔東角門之

道並舉睦親大義懇切敷陳以弭將來嫌釁乃竟預籌控制之術且引漢家七國故事同例並稱以逆斷諸王之必反其輔導東宮處人骨肉實兩失之建文踐位未幾遽以憶昔東角門之言為詢則其處心積慮誠不免過事猜防毋怪貽人口實也

言乎對曰不敢忘

秋七月長星西隕

詔行寬政赦有罪蠲逋稅

周王橚有罪廢為庶人

橚子有燭告橚謀不軌辭連燕齊湘三王帝問齊秦黃子澄泰欲先圖燕子澄曰不然周齊湘代岷諸王在先帝時多不法今告變者已在周矣莫若先取之周燕之母弟削周是剪燕之手足而燕可圖也謀定

強藩難制當時自莫如燕周齊湘代諸王不過驕縱自恣初非有覬覦之心如吳澤楚戊比且有慟自昔其父此在平民亦不宜聽而仍當置之于法者乃欲借以剪燕羽翼先削周王湘代復相繼罪廢實為非策惠帝甫經紹統不思悼睦以繫屬人心

乃命曹國公李景隆

文忠子小字九江

以備邊為名猝至開

封園王宮執之以歸帝尋欲釋之泰子澄不可未決

出相語曰上婦人之仁耳事勢如此安可不斷明日

復言之乃廢櫺為庶人竄蒙化諸子皆別徙

八月詔天下衛所軍單丁者放為民

冬十月熒惑守心

前都督府斷事

百官志五軍都督府俱設斷事官秩從五品

高巍

遼州人

上書

言時政

而頗黜奪日聞
重傷親誼致諸藩
人人自危矧燕
王久蓄異謀疑
畏益深適以促
其禍亂謀之不
藏非不止毫釐
千里之謬矣且
齊黃既知建文
為婦人之仁而
已又實無撥奮
之能害人家國
自貽伊戚雖一
死豈足以謝天
下哉
分封本非良法

魏在洪武時以孝行旌試都督府斷事尋謫戍貴州

及帝即位赦還遼州知州王欽辟魏應詔時用事者

方議削諸藩魏獨上書請加恩

畧曰高皇帝分封諸王比之古制既皆過

當諸王又率多驕逸不法違犯朝制不削則朝廷紀綱不立削之則傷親親之恩賈誼曰欲天下治安莫若衆建諸侯而少其力力少則易使以義國小則無邪心今盍師其意勿施鼂錯削奪之謀而效主父偃推恩之策如此則藩王之權不削而自削矣臣又願益隆親親之禮歲時伏臘使人餽問賢者下詔褒賞之驕逸違制者初犯容之再犯赦之三犯不改則告太廟廢處之豈有不順服者哉
書奏帝頗嘉之然不能用

後燕師起魏請使燕軍說令休兵歸藩代朝廷十萬師帝壯其言許之魏

賈誼東建之謀
主父假推恩之
策亦不過書生
紙上談兵即未
雨綢繆尚恐不
足收制馭親藩
之效況惠帝時
猜繫已成禍患
近在肩睫高魏
此議燕王豈能
降心相從即從
之而好亂樂禍
如高煦者亦安
能保其不相助
為逆耶魏惟送
其筆墨大言不

至燕自稱國朝處士上書燕王極陳禍福且言大喪
未終毒興師旅其與夷齊泰伯讓國求仁之義不大
徑庭乎雖大王有肅清朝廷之心天下不無篡奪嫡
統之議即幸而不敗謂大王何如人哉書屢上不報
遂自拔
南歸

頒示御史尹昌隆

字彥謙
泰和人

諫疏于天下

帝有疾晏朝昌隆疏諫

畧曰昔太祖高皇帝雞鳴而
起昧爽而朝百官戒懼不敢

稍怠陛下嗣膺大業宜追繩祖武未明求衣日旰忘
食今乃即于晏安日上數刻猶未臨朝恐自此上下
懈弛曠職廢業
非社稷福也左右請以疾諭之帝曰直諫難得何

可沮也其以疏宣示天下使咸知朕過

懸實無益于國
事觀其自請詣
燕上書不報遂
自拔歸則其空
言無濟繫可見
矣

十二月賜天下明年田租之半

以工部侍郎張昂

澤州人

為北平布政使都指揮使謝貴

張信

臨淮人

掌北平都司事

自帝為太孫中外屬望獨燕王棣心不平常懷窺覬

及即位削藩議起僧道衍勸棣為逆棣曰民心向彼

奈何道衍曰臣知天道安問人心乃進相士袁珙

鄆人

善相術棣召見珙諦視曰龍行虎步日角插天太平

天子也年四十鬚過臍即登大寶矣已見藩邸諸校

卒皆許以公侯將帥棣

由此益自喜逆謀遂決及卜者金忠

鄆人善易卜

自是棣

陰事一切與道衍謀

棟居元故宮道衍練兵後苑穴地作重屋周繚厚垣密甃甌

瓦缶日夜鑄軍器畜鵝鴨亂其聲

久之事益露上變者日甚帝問齊

泰黃子澄子澄曰先發者制人請討之泰曰方今有

邊報但當以防邊為名發軍戍開平護衛精銳悉調

出塞羽翼既除雖欲為變不能矣帝然之乃更置守

臣並受密命伺察燕事

尋命都督宋忠督兵屯開平以燕護衛卒隸之又調北平

二衛于彰德諸處

惠皇帝

己卯 建文元年春正月修太祖實錄

以禮部侍郎兼翰林院學士董倫

字安常恩縣人

等為總裁

官侍講方孝孺副之徵布衣楊士奇

名寓以字行泰和人

等充

編纂官

二月追尊皇考曰孝康皇帝

廟號興宗妣常氏為孝康皇后

尊母呂氏

壽州人太常卿本之女

為皇太后立妃馬氏

光祿少卿全之女

為皇后子文奎

皇后出

為皇太子

封第三人為王

允熲吳王允熲衡王允熙徐王

俱不之藩

更定官制

用方孝孺等議内外品官階勲悉仿周禮更定

殿閣大學

設官原以董事
宜係名目且當
時事更有大子
此者顧乃汲汲
更定徒資靖難
口實不亦大可
笑乎且孝孺既
稱信用削藩大
事何乃無一言
而但以復古議

士並去大字升六部尚書為正一品設左右侍中位
侍郎上改都察院為御史府都御史為御史大夫罷
十二道為左右兩院通政使司為寺大理寺為司詹
事府增置資德院翰林院復設承旨改侍讀侍講學
士為文學博士設文翰文史二館文翰以居侍讀侍
講文史以居修撰編修檢討餘内外大小諸司悉有
所更

又撰禮制頒行天下然無濟實事徒為燕王棣藉口

禮為已任耶蓋
紀事者多右孝
孺而以剛藩之
罪歸之齊黃孝
孺未至齊黃之
甚則有之謂之
無過則不可

命刑部侍郎暴昭

潞州人

戶部侍郎夏原吉

字維詰其先
德興人徙湘

陰

充採訪使分巡天下

凡使二十四人敕獎廉平黜貪墨便宜行事昭至北
平得燕王棣諸不法狀密奏之請預為備

三月京師地震

夏四月湘王柏自焚死齊王榑代王桂有罪廢為庶人
柏膂力過人握刀槊弓矢馳馬若飛至是有告其反
者帝遣使即訊柏焚其宮室彎弓躍馬投火中死柏

累歷塞上以武功自喜時與燕通為府中人所告會

代郎亦上變乃廢二王為庶人錮樸京師幽桂大同

戶部侍郎郭任以朝廷不先圖燕而徒削奪諸藩乃
上言天下事先本後末則易成今日北討周南征湘
舍其本而末是圖非策也且兵貴神速苟曠日持久
銳氣既竭姑息隨之所謂强弩之末勢不能穿魯縞
徒坐自困耳帝不能
從 郭任丹徒人

遣燕世子高熾及其弟高煦高燧還北平

太祖崩時燕王棣遣三子入臨京師高煦勇悍無賴

其舅徐輝祖

達之子燕王妃徐氏達女也

切戒之不聽至是棣因

燕王自建文既
立即萌覬覦及
削藩議起叛志
益堅其禍亂本

稱病乞三子歸齊秦欲遂收之黃子澄曰不若遣歸

使彼不疑因遣還棣喜曰吾父子復得相聚天贊我

也

高煦潁行入輝祖廢盜善馬徑去輝祖追之已渡江矣途中輒殺吏民至涿州又殺驛丞于是朝臣

舉以責燕
燕謀益急

六月岷王梗有罪廢為庶人

西平侯沐晟奏梗不法廢為庶人徙漳州

秋七月燕王棣舉兵反

棣以僧道衍為謀主護衛張玉

字世美
祥符人朱能懷遠人為

難于消遏建文心存疑畏必欲去此隱憂又不能制其死命勢既孱弱不振而所恃以為畫謀定策者又不過一二迂儒黃子澄先發制人之議徒然言大而參其實毫無部署齊泰藉防邊而調戍並密為伺察更置守臣方以周防為得計而其所倚以

爪牙選將校勾軍卒部署已定問道衍師期對曰未

也棟始稱病既稱病篤

或佯狂赴市奪飲食或臥土壤中大暑圍火爐猶搖首顫

曰寒甚會燕山衛百戶倪諒告變帝下詔讓棟遣中官

逮王府僚屬北平都指揮使謝貴布政使張昂以軍

士列九門防守都指揮張信叛附于棟以情輸之

信與

貴昂同受密敕擒棟信母知之以為不可信乃三造

棟府辭不見于是乘婦人輿入拜床下棟佯為病瘋

不言信曰王果有恙耶今朝廷敕臣執王宜早為計棟聞信言覺其誠呼為恩張下拜曰生我一家者子

也

棟乃用道衍計令張玉朱能潛納勇士八百人入

謀燕者惟責之謝貴張曷張信諸人信既反覆不忠貴曷則漫不審慎取之如縛孤豚大事一去而不可復挽總由齊黃智識庸淺不知燕王之沈驚雄毅長于用兵竟爾視為小敵動輒以輕心掉之既乏運籌決勝之長並昧知彼知己之智不自度德

府守衛及朝使至棣偽縛官校置庭中給貴曷入執

殺之張玉等率勇士奪九門燕府長史葛誠護衛指

揮盧振初皆與貴曷謀誅棣至是並遇害夷其族件

讀余逢辰

字彥章宣城人

泣諫殺之參政郭資

武安人

副使墨

麟僉事呂震

字克聲臨潼人

並降棣棣乃上書于朝指齊泰

黃子澄為奸臣請入清君側遂自署官屬稱其兵曰

靖難尋陷薊州奪居庸關破懷來都督宋忠戰敗死

之于是通州遵化永平密雲諸守將皆以城叛衆至

數萬

量力而毅然身
任不疑誤國之
愆二人實無可
辭耳

晉陽之甲以清
君側為名七國
之反以誅竈錯
為名大抵亂臣
賊子必有說以
為兵端燕王之
稱端靖難亦猶
是也明季諸臣
曲為尊親之諱
凡紀燕事必以
靖難時書之言
之不順殊乖微

谷王穗自宣府奔京師

宣府地近北平燕兵既破懷來宣府震恐穗棄其國
走還京師

詔削棣屬籍命長興侯耿炳文帥兵討之

棣反書聞帝告太廟削棣屬籍廢為庶人詔示天下

以炳文太祖時宿將征虜大將軍

時開國勲臣多
已物故獨炳文

尚在朝廷倚重然
年已六十五矣

駙馬都尉李堅都尉甯忠副之帥

實今于初起時
直截其事其餘
所有靖難之名
歷行刊削庶知
一時所托稱深
為千秋公論所
不予而順逆之
理益以昭矣

師討燕尋命安陸侯吳傑江陰侯吳高

良之子

都督耿

璫

炳文子

都指揮盛庸

史無里系

等分道並進設平燕布政

于真定以暴昭掌之

棟既反齊泰黃子澄益慷慨任事請聲其罪以致討或難之泰

曰名其為賊敵乃可克名正言順又何疑焉自是命將興師皆二人主之

八月耿炳文及棟戰于濠沱河北敗績

炳文次真定使先鋒九千人駐雄縣值中秋不設備

燕將張玉夜半疾驅襲陷之又陷鄭州炳文部將張

保叛降于棟時大兵號三十萬先至者十三萬分營

潯沱河南北棣欲與北軍戰懼南軍乘之乃縱保歸

揚言燕王率兵且至誘炳文移軍盡北渡河棣率張

玉譚淵

清流人

等循河蹴擊炳文軍不得成列大敗喪

師三萬副將李堅甯忠都督顧成皆被執炳文退保

真定棣圍之三日以炳文老將未可克乃引去

召耿炳文還以李景隆代之

炳文敗帝商代者黃子澄薦曹國公李景隆

景隆讀書通典

故與方孝孺友善有名公卿間故子澄薦之

齊泰極言不可帝不聽賜景

用武之際非如翰苑賡歌以通典故為尚也卒之備輓敗事嗟泣何嗟及哉

隆通天犀帶親為推輪餞之江潁景隆至德州收集
炳文將卒并調諸路兵五十萬進營河間當是時帝
傾國兵以畀景隆謂燕可旦夕破棣聞之顧大喜曰
昔漢高止能將十萬景隆何才乃以五十萬付之是
自坑其衆也吾破之必矣會吳高耿璫楊文方圍永
平棣語諸將曰景隆知我在此必不敢至不若往援
永平以致其師吳高怯不敢戰聞我至必走是我一
舉解永平圍而破景隆也遂帥師援永平吳高盡棄

親親之說固所以申篤宗盟若
叛逆已形便為
獲罪廟社即其
輪忱請罪尚不
宜復顧懿親況
燕王挾釁稱兵
更非區區通問
推恩所可冀其
釋嫌而弭患又
其時王師屢敗
燕勢日強韓郁

輜重走退保山海關景隆知燕兵出果引軍趨北平直薄

城下築壘九門燕世子高熾堅守夜遣勇士縋城出斫

營營中驚擾驟退都督瞿能攻張掖門

即今西直門見方輿紀要

垂克景隆忌能功令止之燕人夜汲水沃城明日冰

凝不能上

御史韓郁上言諸王親則太祖遺體貴則孝康皇帝手足尊則陛下叔父乃豎儒偏

見病藩封太重疑慮太深于是周王既廢湘王自焚齊代相繼被摧為計者必曰兵不加則禍必稔今燕舉兵兩月矣前後調兵不下五十萬而一矢無獲將不效謀士不效力徒使中原赤子困于轉輸民不聊生日甚一日臣恐陛下之憂方深也諺曰親者割之不斷疎者屬之不堅此言深有至理願陛下少垂鑑

尚欲勸其罷兵
守藩實為必無
之事至所云興
滅繼絕封墓釋
囚還周王迎楚
蜀命各世子持
書修好尤全不
達事體之言其
識見與兒童何
異真不值一哂
耳

察興滅繼絕釋代王之囚封湘王之墓還周王于京
師迎楚蜀為周公俾各命世子持書勸燕罷兵守藩
慰宗廟之靈明詔天下篤
厚親親宗社幸甚不聽

冬十月誘執寧王權奪其衆及朶顏三衛歸北平

權國大寧大寧東連遼左西接宣府為巨鎮所屬朶
顏三衛騎皆驍勇善戰燕兵起朝廷慮權與燕合召
權及遼王植歸京師植泛海還權不至坐削護衛棟
聞之喜為書遺權至是以單騎入大寧詭言窮蹙求
救執權手大慟求代草表謝罪而陰令吏士結三衛

部長及諸戍卒及辭去權祖之郊外伏兵起擁權行
三衛彊騎及諸戍卒一呼畢集守將朱鑑不能禦力
戰死王府妃妾世子皆隨入松亭關歸北平棣以其
衆分隸各軍大寧城為空

十一月李景隆及棣戰于鄭村壩

在順天府
大興縣東

敗績奔德

州

諸軍方圍北平燕兵乘勝抵城下城中兵鼓譟出內外
夾攻諸軍皆潰亡士卒十餘萬明年春棣兵陷蔚

州注見前攻大同使景隆疲于奔命景隆自紫荆關在易

州西即太行蒲陰陘也地記太行第七陘為蒲陰宋時謂之金陂關金元以來始名紫荆赴援燕

兵已旋居庸官軍多凍餒死者不見敵而還

罷兵部尚書齊泰太常寺卿黃子澄

棣以前所上書不報再上書請去泰子澄帝為罷二

人以謝燕陰留之京師仍參密議

庚辰二年春正月均江浙田賦

初太祖時屢蠲蘇松嘉湖極重田賦事具前至是帝復

下詔減免畝不得過一斗

後永樂中盡革帝
政浙西賦復重

夏四月李景隆敗棣于白溝河再戰景隆敗績奔德州

景隆大誓師于德州會武定侯郭英安陸侯吳傑等

合軍六十萬進次白溝河列陳數十里棣先營蘇家

橋

在霸州東
文安縣北

已由西北循河而進都督平安

滁人
預

伏兵河側棣至伏發安挺矛直前瞿能父子亦奮擊

所向披靡戰至暝棣以三騎遁迷失道下馬伏地視

河流辨東西始知營壘所在是日也棣幾殆安失馬

李景隆受餞北
征統率至數十
萬又有瞿能平
安諸良將並列
偏裨使能奮勇
爭先長驅直入
或望可奏膚功
顧庸怯無能又
復心存媚嫉北
平垂克輒以忌
功阻止致城守
復堅白溝大戰
燕王矢盡劍折
逸走登隄乃不

百餘匹而已明日再戰能及安擣燕將房寬陣敗之
景隆揮騎繞出棣後大戰良久景隆軍飛矢如雨棣
三易馬矢盡揮劍劍折阻于堤幾為瞿能所獲力走
登隄佯引鞭招後繼者景隆疑有伏不敢前會高煦
救至棣乃得免比日晡能復引衆搏戰大呼殺賊指
揮俞通淵通海之弟滕聚俱以兵赴之會旋風起折景隆
大將旗陳動棣以勁騎繞其後乘風縱火烟焰漲天
能父子及通淵聚皆死安與朱能戰亦敗官軍大亂

知乘銳追擒轉
因設疑相誑畏
縮不前使得遇
救潛逃卒之引
衆復回遂至一
敗不可復振核
其縱敵負國之
罪實當亟正刑
章乃惠帝僅召
還朝而練子寧
等連疏糾彈免
置之不問迨金
川失守景隆遂
首出迎降惠帝
之庸于此益見
矣

奔聲如雷郭英潰而西景隆潰而南盡棄其所賜璽
書斧鉞走德州

五月棣陷德州進攻濟南

燕兵乘勝進攻德州未至景隆先奔燕兵入城得糧

儲百餘萬石勢益張參政鐵鉉

鄧州人

趨濟南

時高巍自燕還

與鉉遇臨邑值五日誓酒同盟遂偕入城臨邑漢置今屬濟南府

與都督盛庸等誓

以死守景隆往依之燕兵遂攻濟南時景隆兵在城

下者尚十餘萬棣乘其未陳馳擊之景隆大敗南走

帝用齊秦黃子澄計遣使議和以緩之棣不聽

帝命尚寶

司丞李得成如林軍諭罷兵棣不從得成遂附于棣尚寶司洪武初置掌符璽卿秩正五品少卿從五

品丞正六品

射書城中諭降不下棣堰水灌之鉉乃佯令

守陴者皆哭撤守具出居民于城外伏地請降預懸

鐵板城門上伏壯士闌堵中候棣入下板擊之別設

伏斷城外橋棣聞濟南降大喜以其地當要會得之

斷南北道則江淮可圖也遂下令受降翌日乘馬張

蓋鼓吹徐行至城門軍士失約棣未入板驟下傷棣

馬首急易從馬奔及橋伏兵起橋倉卒不可斷遂得

逸棟憤甚築長圍晝夜攻之

鐵板詐降之說出明李賢古穰雜錄國史考異

以為文皇善用兵不應妄信輕率若此明舊史例議深以為然考賢在天順朝去革除時未遠功臣尚有在者見聞必非無據考異之說為成祖諱耳何足為深信今仍依遯國記中諸書採輯

秋八月承天門災

方孝孺建議改謹身殿為正心殿午門為端門端門

為應門承天門為臯門前門為路門從之

都督戚庸參政鐵鉉擊敗棟兵于濟南復德州

時平安營單家橋

在河間府獻縣南為南北通途漕
汜河之分流黑龍港河經其下

謀出御河奪燕餉舟又選水卒五千人渡河攻德州
鉉與庸乘夜出兵掩擊燕衆大敗解國去鉉等乘勝
復德州帝聞擢鉉山東布政使參贊軍務尋進兵部
尚書封盛庸厯城侯拜平燕將軍于是庸進駐德州
吳傑平安守定州徐凱屯滄州相犄角以困北平

九月詔錄洪武功臣罪廢者後

冬十月詔李景隆還赦不誅

御史大夫練子寧

名安以字行新淦人

宗人府經歷宋徵御史

葉希賢

松陽人

並言景隆失律喪師懷二心宜誅黃子

澄亦請正其罪以謝天下皆不聽子澄拊膺曰大事

去矣薦景隆誤國萬死不足贖罪

十二月盛庸大敗棣于東昌斬其將張玉棣遁還

先是棣襲滄州執徐凱斬萬餘級降三千人譚淵一

夜盡殺之棣自長蘆渡河至德州遣人至城下招盛

庸庸堅壁不出燕兵掠臨清大名越汶上至濟寧庸

與鐵鉉屯兵東昌以邀之棣率兵薄營庸開陣縱棣
入圍之數重斬其驍將張王已而朱能率番騎來救
殊死鬪翼棣潰圍出以百騎出館陶引還北平庸軍
勢大振自燕人犯順轉鬪兩年鋒銳甚至是失將燕
軍奪氣其後定計南下皆由徐沛不敢復道山東

辛巳
三年春正月復齊泰黃子澄官

以東昌捷告太廟命泰子澄任職如故

三月戚庸敗棣于夾河

在冀州武邑縣南漳水
分流也又東入潞沱

斬其將

燕兵犯順兩年
所向無敵惟戚

譚淵復戰敗績

庸東昌之捷大挫其鋒燕軍遂解却避是庸之精于用兵實非諸將所及當燕王通營野宿且夜間中庸復得此言不知使決計勦擒易如唾手乃次日聽其鳴角穿營而去凡引母負殺叔父名之詔為解忠帝固恩庸竟不問將在軍君命有所不受乎

棟恥東昌之敗意殆欲稍休道行力趣之

謂棟曰臣前言師行

必克但費兩日兩日者昌字也自此全勝矣

棟遂復率衆南出保定威庸

營夾河棟將輕騎來覘掠陣過庸遣千騎追之斬其

將譚淵燕軍大挫而朱能張武

淵陽人

等殊死鬪棟自

以鐵騎貫陣與能合官軍稍却日暮各斂兵棟以十

餘騎逼庸營野宿及明起視以在圍中乃從容引馬

鳴角穿營而去庸與諸將皆以帝有詔毋使朕負殺

追永樂募立庸
爵位如常則其
隱懷之心亦難
免春秋之責矣

叔父名倉卒相顧愕眙不敢發一矢明日復戰棣軍
東北庸軍西南自辰至未勝負畧相當忽大風東北
起飛埃蔽天庸軍面迎砂礫咫尺不辨物棣兵縱左
右翼橫擊斬首數萬庸大敗走德州時吳傑平安自
真定引軍來會聞庸敗引還棣以計誘之出戰傑安
列陣滹沱河南棣率驍騎循河繞出陣後安發强弩
射燕兵矢集棣旗如蝟毛死者甚衆亦遇大風拔樹
聲如雷安遂敗仍走入真定

庸之斬譚淵也其麾下
驍將皂旗張楚智亦皆

卷一百一
臨沒皂旗張者名張能力搜千斤每戰揮皂旗先登
輒勝軍中故以皂旗為之名戰死時猶執皂旗不仆
云智被執棣欲
降之不屈而死

貶齊泰黃子澄諭棣罷兵棣不奉詔

帝聞庸軍敗大懼詔竄泰子澄于外密令為募兵計棣
聞二人已竄上書請罷戚庸吳傑平安兵帝以問方
孝孺孝孺曰燕兵久頓大名天暑雨當不戰自疲急
令遼東諸將入山海關攻永平真定諸將度盧溝搥
北平彼必歸救我以大兵攝其後可成擒也今其奏

事適至宜且與報書往返踰月使彼將士心懈我謀定勢合進而蹴之不難矣帝以為然乃遣大理寺少

卿薛嵩

閩鄉人

往報詔赦燕罪令罷兵歸藩棣不奉詔

未幾盛庸吳傑平安分道斷燕餉道棣患之復遣其指揮使武勝上書伸前請帝將許之孝孺曰兵罷不可復聚願毋為所惑帝乃誅勝以絕燕

夏六月棣將李遠

懷遠人

寇沛縣焚糧艘

官軍駐德州資糧皆道徐沛棣遣李遠以輕兵六千

詐為官軍袍鎧由濟寧至沛焚糧艘數萬河水盡熱
魚鼈皆浮死戚庸遣都督袁宇帥三萬騎追之為遠
伏兵所敗

秋七月都督僉事平安攻北平不克

燕兵掠彰德陷林縣安在真定度北平空虛帥萬騎
攻之棣方軍大名遣將馳救安戰不利引還時大同
守將房昭引兵入紫荆關據易州西水寨以窺北平
棣引兵圍之都指揮花英等往援大敗棣勸兵還北

若太祖誠見及此則立棣與執棣惟已所欲為耳何至有篡奪之禍哉且密詔史臣何由知之疑信各半固紀事之常耳

平

冬十二月詔駙馬都尉梅殷

字伯殷夏邑人汝南侯思祖從子

鎮淮安

殷尚寧國公主太祖春秋高諸王強盛嘗受密詔輔皇太孫至是命充總兵官鎮淮安

棣大舉南犯

棣稱兵三年親戰陣冒矢石屢瀕于危所陷城邑兵去旋復為朝廷守故不敢決意南下無何有以中官奉使侵暴為言者詔所在有司繫獄于是中官密遣

人赴燕言京師空虛可取狀棟慨然曰頻年用兵何時已乎要當臨江一決不復返顧矣遂大出兵明年

春連陷東平濟陽諸州縣斷徐州餉道破蕭沛及宿

州

時州縣官以城陷先後死難者獻縣知縣向朴集民兵與燕將戰被執懷印死濟陽教諭王省為燕兵

所執詞義慷慨衆舍之省歸生明倫堂伐鼓集諸生謂曰若等知此堂何名今日君臣之義何如因大哭以頭觸柱死東平州吏目鄭華由行人司貶官燕兵至長吏皆棄城走華獨固守城破與其妻蕭氏皆死之沛縣知縣顏伯瑋守沛指揮王顯開門降伯瑋冠帶升堂自經死其子有為伯瑋先遣歸侍父不忍去亦自刎伯瑋旁主簿唐子清典史黃謙俱被執諭之降皆曰願隨顏公地下俱死蕭縣知縣鄭恕亦以城

敗則偽竄計臣
勝則召還大將
舉動殆如兒戲
庸情如此安得
不連致覆亡迨
其後燕已陳師
江上尚冀割地
罷兵尤為非策

破不屈死籍其家二女俱死焉
向樸慈谿人王省
字子職吉水人鄭華臨海人
顏伯瑋名瓌以字行廬
陵人唐魯公真卿
後鄭恕仙居人

壬午四年春正月命魏國公徐輝祖帥師禦棣兵于山東
召故周王橐還京師

夏四月官軍連敗棣兵于淮北尋召輝祖還

棣軍小河

即古睢水舊自河南永城縣流逕宿州靈璧至宿遷入泗後宿州以上已成平陸其

在睢寧宿遷者謂之小河都督何福擊敗之斬其將陳文平安轉

戰至北阪幾獲棣番騎王騏躍入陣掖棣去適輝祖

其窘迫無措之
態可憫亦可歎
耳

來會戰于齊眉山

在鳳陽府靈璧縣西南
山開八字如列眉然

斬其將李

斌時王師再捷燕人大懼會淮土盛暑濕蒸諸將請

旋師觀釁棣不從

棣集諸將下令曰欲渡河者左諸
將從左棣怒曰任汝曹所之乃不

敢復
請

而帝聞訛言謂燕兵已北召輝祖還福軍遂孤

五月遼東兵潰于直沽

先是帝命楊文帥遼東兵十萬赴濟南與鐵鉉合以

斷棣後及是至直沽軍潰無一人至濟南者

棣兵渡淮陷揚州

何福移營靈璧欲持久老燕師而糧運為燕所阻平安分兵往迎棣帥精銳橫擊斷其軍為二福開壁往援俱敗走諸將請移駐淮河就糧夜令軍中聞三礮即走翼日燕兵猝薄壘亦發礮三福軍以為已礮也爭趨門出燕兵乘之遂大亂人馬墜壕塹俱滿福單騎走安及都督陳暉侍郎陳性善名復初以字行山陰人等三十七人皆被執棣尋釋性善歸令說朝臣性善朝服躍馬入于河以死盛庸獨軍而南以兵數萬戰艦數千列淮南岸棣兵不得渡

遣使至淮安假道于駙馬都尉梅殷殷劓其使

棟先以進

香為名殷答曰進香皇考有禁不遵者為不孝棟復書言今興兵誅君側惡天命有歸非人力所能沮殷

乃割其使耳

曰留汝口還為而王言君臣大義棟氣

沮鳳陽守徐安亦拆浮橋絕舟楫以遏燕棟乃令邱

福

鳳陽人

朱能等帥驍勇數百人潛自上流以漁舟濟

猝薄庸軍鳴礮庸軍驚突擊之庸敗走盡獲其戰艦

遂渡淮下泗州出天長進陷揚州

都指揮使崇剛巡按御史王彬櫻城

固守指揮王禮江都知縣張本縛剛彬開門以

降剛彬見棟皆不屈死王彬字文質東平人

徵天下兵勤王

帝遣御史大夫練子寧侍郎黃觀

字伯淵一字尚賓貴池人

修撰

黃叔英

字原采黃巖人

等分道徵兵蘇州知府姚善

字克一安陸人

首以兵入衛請召還齊泰黃子澄帝從之

時寧波知府王璉徽

州知府陳彥回樂平知縣張彥方前永清典史周縉各帥兵入援後彥回彥方皆被誅縉遣戍璉獨得免又有松江同知榜募勤王義勇斥燕兵乖恩悖道後磔于市王璉字器之日照人陳彥回字士淵莆田人張彥方龍泉人周縉字伯紳武昌人松江同知或曰周繼瑜然史無可攷

下罪已詔遣慶成郡主詣燕軍

時棣兵往來江上江南北郡縣俱密已輸款詔下京師內外臣民慟哭而已方孝孺曰事急矣可遣人許以割地稽延數日俟募兵漸集然後決戰江上乃遣慶成郡主往燕軍請割地罷兵郡主棣從姊也見棣述太后及帝意棣曰吾此來欲得奸臣不在土地

郡主默然遂辭歸

帝命諸將集舟師江上為守禦計兵部侍郎陳植監戰植慷慨誓師

部將殺之以降棣殺部將具棺殮植瘞之植廬江人

六月棣兵渡江犯京師谷王穗及李景隆迎降京師陷

帝不知所終

盛庸徐輝祖等敗棣兵于浦子口

在江寧府江浦縣東為南北津要有

城今設守備駐此

會高煦引番騎來援殊死鬪庸軍退駐高

資港

在鎮江府丹徒縣西北通大江接儀徵西

都督僉事陳垣

字彥純合肥人

以

舟師叛附于棣棣率兵自瓜洲渡江庸敗走鎮江守

將童浚率衆降棣進軍龍潭帝命諸王分守都城遣

景隆及兵部尚書茹璫

衡山人

都督王佐詣燕師講和

棣曰吾無罪而削為庶人今救死何以地為景隆等

遜國之說傳聞
互異當時宮中
火起事出倉皇
出亡既無實迹
可憑又何以知
自焚之必由詭
語葬地雖無所
指證而為僧蹤
跡又誰實親見
而灼知之設云

不能發一語遽還帝復令谷王穗安王楹往棣卒不
奉詔左右或勸帝他往以圖復興方孝孺請堅守京
城待四方援兵即事不濟當死社稷棣尋進兵屯金
川門左都督徐增壽謀內應帝手劍斬之穗景隆守
金川門登城望見棣麾蓋開門迎降御史連楹
叩馬欲刺棣被殺都城陷宮中火起帝不知所終棣
遣中使出后屍于火詭云帝屍越八日用學士王景
字景彰言備禮葬之然葬地所在後無聞焉或曰帝
松陽人

民間係念舊君
冀其未死而矯
托遜荒實足為
動搖羣心之漸
成祖何不將自
焚情形宣示禁
止顧一任無根
之語輾轉流傳
揆厥所由殆因
成祖自知慙德
欲曲諱其篡弒
惡名故反隱播
此說以明已無
致死其君之事
厥後文人不察
從而緣飾其間

由地道出亡其後滇黔巴蜀間皆傳有帝為僧時往

來跡世遂以帝為遜國云

遜國之說明舊史例議力辨其妄且言建文帝闔宮

自焚身殉社稷死之正也後人心惡成祖誅夷忠烈之慘而不忍建文之遽殞故詭言削髮出亡以明帝之不死于火耳此其言誠是但據王鏊陸樹聲薛應旂鄭曉朱國禎等所載諸書皆歷歷可考雖有舛訛或未必悉由附會且史傳稱黃觀募兵未還或謂曰宮中火帝已失後神宗時嘗命閣臣錄帝在滇詩以進似又非盡無稽者第事難徵覈姑從闕疑今故附錄出亡之畧而復辨之如此

明史贊曰惠帝天資仁厚踐阼之初親賢好學召用方孝孺等典章制度銳意復古其除軍衛單丁減蘇松重賦皆惠民之大者乃革命而後紀元復稱洪武嗣是子孫臣庶以紀載為嫌草野傳疑遂多訛

遂成千古疑案
向來論史者斷

斷爭剖必為之
指實而辨誣均
不免失之愚耳

楊榮相業爛然
為三楊稱首然
身為侍從國破
君焚迎謁不暇
臣節已墮且其
言明請謁陵陰
為勸進尤是巧
于獻諛雖其後
政績可稱亦不
足重矣

謬矣

棣自立為皇帝

棣入京編修楊榮

字勉仁建安人

迎謁馬首曰殿下先謁陵

乎先即位乎棣遽趨謁陵畢羣臣備法駕迎謁奉天

殿即皇帝位

茹瑞入賀迎謂曰瑞吾今日得罪天地祖宗奈何瑞頓首曰陛下應天順人何

謂得罪乃大悅

削魏國公徐輝祖爵

輝祖當燕師渡江猶引兵力戰京師陷諸武臣咸迎

齊泰黃子澄說者病其首發難端比之鼂錯不知景帝勢安惠帝勢危固不可同日而語但與謀國事錯置乖方實難免于貽誤而方孝孺亟亟于更制設官

附勸進輝祖獨守父祠於是下吏命引罪不屈削爵

幽私第

永樂五年輝祖卒帝乃命輝祖長子欽嗣封神宗時錄建文忠臣以輝祖為首追贈太師

謚忠貞

殺兵部尚書齊泰太常卿黃子澄文學博士方孝孺皆

夷其族坐黨死者數百人

初帝發北平僧道衍以孝孺為囑曰城下之日彼必

不降幸勿殺之殺孝孺天下讀書種子絕矣帝領之

及陷京師即大索孝孺等五十餘人鎮撫伍雲縛孝

致來燕兵口實亦不無迂闊之譏顧惠上膺正統諸臣目擊時艱則去偏除強以圖安宗社自屬臣分所應然至于國勢岌危猶欲四出募兵意存克復及至身臨鼎鑊而抗詞直斥侃侃不撓未嘗少降其志凜然大節洵為無忝綱常正未可以其謀事

孺至帝以道衍言顧左右收之曰勿令遽死及是召草登極詔孝孺悲慟聲徹殿陛帝降榻勞曰先生無自苦朕欲法周公輔成王耳孝孺曰成王安在帝曰彼自焚死曰何不立成王之子帝曰國賴長君曰何不立成王之弟帝曰此朕家事顧左右授筆札孝孺投筆于地哭且罵復強之乃大書燕賊篡位四字帝大怒命繫獄會泰子澄亦至

泰自廣德往他郡收兵有識其馬者曰此齊尚

書馬也遂執之子澄至太倉亦為人所執械至京

帝親詰之抗辨不屈遂命

之不成而概加
吹求若成祖之
濫誅洩憤屠戮
忠良淫刑以逞
其失自無可恕
耳

與孝孺同磔于市孝孺慷慨就戮賦絕命詞而死

詞曰

天降亂離兮孰知其由奸臣得計兮謀國用猶忠臣
發憤兮血淚交流以此徇君兮抑又何求嗚呼哀哉

庶不我尤其門人廖鏞永忠廖銘鏞之弟檢遺骸瘞聚寶門

外山上尋被逮與胡子昭

字仲常榮縣人刑部侍郎

盧原質

字希魯寧

海人太常少卿鄭公智

字叔貞寧海人御史

林嘉猷

名昇以字行寧海人陝西僉事鄭

居貞

閩人河南參政

俱坐死秦從兄弟俱坐死子澄族人無

少長皆斬孝孺弟孝友亦死妻鄭氏及二子中憲中

愈先自經二女投秦淮河宗族親友及門下士坐誅

者廖鏞等而外復數百人

遜國名臣傳云孝孺大書數字投筆于地曰死即死

詔不可草帝大怒曰汝焉能遽死朕當滅汝十族紀事本末採其說改作文皇大聲曰汝獨不顧九族乎孝孺曰便十族奈我何乃收其門生廖鏞林嘉猷等為一族並坐然後詔磔孝孺于市舊史例議以鏞嘉猷連論在孝孺死後十族之說非實今亦不採附注于此

殺御史大夫練子寧戶部侍郎卓敬夷其族

子寧縛至語不遜磔于市夷其族姻戚俱戍邊敬先建議徙燕帝責以離間骨肉猶憐其才命繫獄使人諷以管仲魏徵事敬曰人臣委質有死無二先

死節乃人臣本
分原毋庸議論
紛紜吳溥決王
良之必克捐軀
胡廣之不能死
節所料皆錙銖
不爽但溥與良
俱策名仕版即

皇帝曾無過舉一旦橫行篡奪恨不即死見故君

地下乃更欲臣我耶僧道衍故與敬有隙進曰敬

言誠見用上寧有今日乃斬之夷三族時殉難者

太常少卿廖昇

襄陽人

最先死

燕師渡江朝廷遣使請割地不許昇聞而

慟哭自縊死殉難諸臣昇死最先後追戮詔下亦首及昇

未幾修撰王良

字敬止吉

水飲酖死

城陷前一日良與胡廣解縉俱集司業吳溥舍縉陳說大義廣亦奮激慷慨良

獨流涕不言三人去溥子與弼尚幼歎曰胡叔能死節大佳溥曰不然獨王叔死耳言未畢聞廣呼

家人謹視豬溥曰一豬尚不舍能舍生乎須臾良舍哭飲酖死矣胡廣字光大吉水人吳溥崇仁

當效其取義舍
生況已明于責
人何獨寬于責
已乃隱忍圖全
竟致辱身改節
是真察秋毫而
不見目睫顧于
一緒不舍者冷
語謦譏何異桃
人土偶之相誚
邪

人與弼都給事中龔泰義鳥人投城下死宮中火起泰馳赴燕

軍被縛以非姦黨釋葉福人守門死福守金川門燕兵入

死衡府紀善周是修名德以字江西副使程本立

字原道崇德人自經死是修為衡府紀善王未之

大程子之後自經死是修為衡府紀善王未之

替繫衣帶間入應天府學拜先師畢自經于尊經閣本立由僉都御史改官未行燕兵入亦自經

大理寺丞鄒瑾永豐人御史魏冕瑾之甥同自殺燕兵至金

川門徐增壽徘徊殿庭有迎納意冕帥諸御史殿之幾死惠帝倉皇罷朝冕與瑾大呼請速加誅明日宮中火起冕自殺瑾亦死之同邑鄒樸授秦府長史聞瑾死憤激不食卒皆在帝

未即位前嗣是相繼死者禮部尚書陳迪

字景道宣城人督運

軍備聞變趨京師帝已即位召迪責問迪抗聲不屈與子六人同磔于市戶部主事巨敬與迪同執亦不

屈死敬

刑部尚書暴昭

昭自真定召還金川門侯泰昭出亡被執不屈磔死

平涼人

字順懷南和人督餉淮安聞京

戶部侍郎郭任

任與同官

師陷行至高郵被執不屈死

盧迴主調兵食燕師入二人同

禮部侍郎黃觀

觀募兵至

祇執不屈死

盧迴仙居人

安慶京師陷或告曰官已焚帝失所在新天子即位

三日矣觀命舟至羅刹磯朝服東向拜投湍急處死

觀妻翁及二女在京先投秦淮河死觀同官有黃魁

者燕師入亦不屈死羅刹磯在池州府東流縣西

濱江方輿紀要巖

名誦以字行泰

石森立舟帆艱險副都御史茅大芳

名誦以字行泰

僉都御史周璫同被執皆大理少卿胡閏

字松友鄆陽人燕師

不屈死大芳子二人亦死起晝夜畫軍事帝即位召問不屈死籍其家長子論

死幼子戍邊女郡奴方四歲或提入功臣家猶長識大義日以糞灰汚面髮長二寸即剪之洪熙初赦還

猶處女誓不嫁人鄉人敬之皆曰此真忠臣女也修撰王叔英

取英募兵至廣德間京賊不守沐浴具衣冠書絕命辭藏衣裾間自經死侍御

史林英亦募兵經廣德左拾遺戴德彛

奉化人由翰林侍講改官

知事無成亦自經死帝即位召見給事中陳繼之

莆田人韓永

西安人京師破二人俱不

屈御史高翔

朝邑人帝即位被召欲用之翔喪服入見語不遜族之發其先家親黨徙柩邊

高氏產皆加稅曰謝昇

諸城人與同官懷寧甘霖卿成丁志方皆以被逮不屈誅

今世世罵翔也

又有董儲者諸御史時時會其家誓以死報國賊破後生逆黨死宗人府經歷宋徵

官疏請削罪藩屬籍燕師入不屈死刑部主事徐子權新淦人聞錄子寧死痛哭賦詩

自縊浙江按察司王良字天性祥符人建文中官刑部侍郎未減燕府人罪不當

上指出為浙江按察使帝即位頗德良遣使召之良將斬使者衆刦之去良集諸司印九于私第積薪自

焚印俱毀帝以良毀印徙其家于邊蘇州知府姚善善督五府兵勤王未及戰燕師入索

黃子澄急子澄匿善所約共航海起兵善曰公可去善守土與城存亡耳子澄去善為麾下縛以獻不屈

死漳州教授陳思賢茂名人帝即位詔至痛哭不出連帥生員伍性原陳應宗林珏

邵君默曾廷瑞呂賢即明倫堂為建文帝哭臨有司執送京師思賢及六生皆死先後死不

一時既而給事中黃鉞

字叔揚常熟人

赴水死

建文中鉞丁父憂聞變杜

門不出明年以戶科召鉞自投于水其家以溺死聞故得不坐

御史曾鳳韶廬陵自

劉死

鳳韶以御史歸里帝即位起原官不赴又以侍郎召鳳韶刺血書衣襟為絕命辭自殺

度

字子中歸善人

謫戍死

度素與方孝孺善以逆黨戍廣西坐語不避族

谷府長史

劉璟

誠意伯基次子

下獄死

燕師起璟隨谷王歸京師尋參李景隆軍事景隆敗歸青田帝

即位召之以疾辭逮至京猶稱殿下且云殿下百世後逃不得一墓字下獄自經死

死皆在後

他若御史葉希賢以姦黨被戮牛景先走死蕭寺或

又以二人為不死

希賢或曰從帝為僧出亡名應賢或又曰後為雪菴和尚景先或曰

帝出亡後往來帝並附錄存疑方燕師入金川門朝臣棄位去者四十餘

人世遂有相傳程濟及河西傭補鍋匠之屬濟朝邑人建文末官編修金川門啟濟亡去或曰惠帝為僧出亡濟從之莫知所終河西傭為傭莊浪魯氏冬月常披葛衣久之有京朝官至識傭欲與語走避之後莊浪補鍋匠往來川中業補鍋一日于夔州市遇一人相顧愕然已相持哭其人曰馮翁能為詩後題馬二子或馬公或塞馬先生二人者後皆不知所終又有會稽雲門寺僧若耶溪樵及金華玉山樵者或皆謂建文遺臣然姓名爵里莫可得而考也他若樂清臨海二樵夫聞惠帝崩投水死儲福為燕山衛卒北平兵起逃去後勾入籍中不食死龔翔為金川門軍門間慟哭遂隱而死雖正史未為詳載而避國諸書所錄節烈凜然有裨名教今並註于此以備考

秋七月革建文年號

以是年為洪武三十五年明年為永樂元年凡建文

中所更政令條格悉罷復舊

革除之說議論紛如考當時成祖不欲用惠帝

年號又不欲季夏改元故于即位之初仍以洪武三十五年為紀觀者遂謂止改是年不知詔內所云止就現在而計遂舉是歲六月為創以便遵循實則前三年皆以並從改革故當時欽天監所進歷日直書洪武三十二年至三十五年其後史官修永樂實錄于洪武三十五年六月以前但書元二三四四年而無號蓋其子孫曲為遷就以掩其非而不知其轉相矛盾夫紀年必有號自漢武帝以來歷代皆然若去其號而但紀其年則所謂元二三四五年者將于何屬雖欲不為之革除而不得也在從前王世貞申時行輩

諱其祖宗朝事故多飾詞偏護而舊史例議乃據其說而力辨當時並無革除之事又安足為定論乎

遷孝康皇帝主于園陵

仍稱懿文太子太后呂氏仍稱太子妃徙居園陵吳衡徐三王俱降封尋廢允燾允燾為庶人錮鳳陽允熙奉太子祀未幾暴卒

召陳瑛

滁人

為左副都御史

建文初瑛為北平按察使受燕府金錢通密謀僉事

湯宗

字正傳浙江平陽人

白于朝逮謫廣西至是召為副都御史

陳瑛通燕府密謀受其賄賂其不忠于建文實甚永樂不能聲其罪而加之顯罰已有愧于漢

高之斬丁公轉令其入居憲職遂欲追戮効死諸臣希旨生風奸狡尤為叵測及未行聽許輒以獄詞株牽簿錄寬及無辜殆不止于羅鉗自網猶復覩然自以為出之有名真屬喪心無恥永樂本以逆取而即位之始首擢是人其殘忍刻薄尚可問乎

署院事瑛天性殘忍受寵任益務深刻言廷臣効死建文者如黃觀廖昇王叔英周是修王良顏伯煒輩其心與叛逆等請追戮之帝不聽後瑛閱方孝孺等獄詞遂簿觀叔英等家疏族外親莫不連染胡閏之獄所籍數百家號冤聲徹天兩列御史皆掩泣瑛謂人曰若不以叛逆處此輩則吾為無名于是諸忠臣無遺種矣

八月以侍讀解縉編修黃淮

字宗豫永嘉人

入直文淵閣侍讀

胡廣修撰楊榮編修楊士奇檢討金幼孜

名善以字胡行新淦人

儼

字若思南昌人

同入直預機務

縉在建文中以董倫薦

縉先入臨太祖為有司所劾謫河州衛吏上書于倫故倫

薦之

官翰林待詔

秩九品不常設

帝即位擢侍讀與淮常立御

榻左備顧問或至夜分帝就寢猶賜坐榻前語機密至是命七人同入直預機務謂之內閣內閣之名自此始參預機務亦自此始

執兵部尚書鐵鉉至不屈殺之

初燕兵渡江鉉屯淮上師亦潰

高龜聞京城陷經死驛舍

至是執

鉉至反背坐廷中令其一回顧終不可遂磔于市以
鉉非朝臣故不族其父母年皆八十餘安置海南
殺御史大夫景清夷其族

清倜儻尚大節燕師入諸臣死者甚衆清獨委蛇班
行人怪之一日早朝衣緋懷刃入先是欽天監奏異
星赤色犯帝座甚急帝故疑清及朝搜得所藏刃詰
責之清奮起曰欲為故王報讐耳遂磔于市族之籍

其鄉轉相攀染謂之瓜蔓抄村里為墟

考王鏊守溪筆記載景清

事云文皇至金川門百官迎拜江次清獨直立罵不已乃命左右挾其齒且挾且罵含血直噴上衣乃命醢之罪及九族久之上書寢夢清入殿退之上曰清猶能為厲邪乃籍其鄉轉相攀染謂之瓜蔓抄其說與遜國記表忠錄諸書不同然以清死難在成祖未即位之前較之緋衣行刺似為近理今附註于此

九月諭邱福等三十人功封爵有差

邱福洪國公朱能成國公張武

封成陽侯

等侯者十四人

陳珪泰州人封泰寧侯鄭亨合肥人封武安侯益善海豐人封保定侯火真蒙古人封同安侯顧成字景臨江都人封鎮遠侯王忠孝感人封靖安侯王聰斷水人封武城侯徐忠合肥人封永康侯張信臨淮人

封隆平侯李遠封安平侯鄭亮合肥人封成徐祥大
安侯房寬陳州人封思恩侯王寧封永春侯

人封興等伯者十四人徐理西平人封武康伯李藩
安伯和州人封襄城伯張輔字文

弼王長子封信安伯唐雲封新昌伯譚忠淵子封新
寧伯孫巖鳳陽人封應城伯房勝景陵人封富昌伯

趙彞虹人封忻城伯陳旭全椒人封雲陽伯劉才字
子才霍邱人封廣恩伯茹瑞封忠誠伯王佐封順昌

伯陳瑄封平江伯又追封張玉榮公公譚淵崇安侯
徐壽武陽侯陳亨涇國公王真金鄉侯亨壽州人

真咸
寧人

冬十月重修太祖實錄

以建文中所修是非失實乃重修之命李景隆茹瑞

監修前纂修官知府葉惠仲

臨海人先以知縣充修
實錄書成遷南昌知府

以直書帝起兵事族誅

十一月立妃徐氏為皇后



御批歷代通鑑輯覽卷一百一